

- b) vodu bazena za kupanje, koji su u vlasništvu građana, a nisu za javnu upotrebu.

Član 3.

(Definicije)

Izrazi upotrijebljeni u ovom pravilniku imaju sljedeće značenje:

- a) bazenska voda je voda u bazenima za plivanje, kupanje, rehabilitaciju i relaksaciju;
- b) sanitarno-tehnički uslovi podrazumijevaju uslove u pogledu izgradnje infrastrukture i opremljenosti objekta, kojima se obezbjeđuju higijenski uslovi za obavljanje djelatnosti;
- c) higijenski uslovi podrazumijevaju stanje koje primjenom mjera opšte i osobne higijene sprečava pojavu i širenje uzročnika zaraznih bolesti, kao i druge negativne uticaje na zaposlene radnike, korisnike usluga i proizvode;
- d) opšta higijena podrazumijeva uklanjanje otpadnih materija, prašine, drugih nečistoća i nepotrebnih predmeta i stvari u objektima i njihovoj okolini, zatim zaštitu od insekata, glodara i drugih životinja, povremenu dezinfekciju, dezinfekciju i deratizaciju, a gdje je to potrebno i sterilizaciju opreme i pribora, i obezbjeđenje odgovarajuće temperature, osvijetljenosti i provjetrenosti prostorija u objektu;
- e) osobna higijena podrazumijeva održavanje čistoće ruku i tijela, radne odjeće i obuće, redovno korištenje radne odjeće, obuće i korištenje lične zaštitne opreme u procesu rada, kao i odgovarajuće postupke prilikom pružanja usluga drugim osobama i rukovanja kontaminiranim, odnosno čistim materijalima i predmetima;
- f) sezona kupanja je kalendarsko razdoblje u kojem se može očekivati velik broj kupaca;
- g) veliki broj kupaca je broj koji utvrđuje uprava s obzirom na broj kupaca u prethodnim godinama ili u odnosu na raspoloživu infrastrukturu i opremu ili druge mjere koje se poduzimaju za promociju kupanja;
- h) onečišćenje vode za kupanje je prisutnost mikrobiološkog onečišćenja ili onečišćenja drugim organizmima ili otpadom koji utiču na kvalitet vode za kupanje i koji čine opasnost za zdravlje kupaca;
- i) zabrana kupanja je zabrana kupanja koja traje sve dok dva uzastopno redovito analizirana uzorka vode ne budu ocijenjena najmanje ocjenom dobro.

DIO II - TEHNIČKI USLOVI UREĐENJA I
ODRŽAVANJA KUPALIŠTA

Član 4.

(Tehničko uređenje)

Pod tehničkim uređenjem kupališta i stvaranjem uslova za njihovo sigurno korištenje smatraju se:

- a) prethodno urbanističko-tehničko uređenje kupališta;
- b) prostorno uređenje kao jedinstvene funkcionalne cjeline, koja ne smiju biti u direktnoj vezi sa objektima/prostorijama za stanovanje i/ili objektima za obavljanje drugih djelatnosti;
- c) raspored instalacija, opreme, uređaja i proizvoda koji čine tehnološku cjelinu kupališta, a koja mora biti takva da sprečava nepovoljan međusobni uticaj i ukrštanje čistih i nečistih tehnoloških puteva;
- d) oprema, uređaji i namještaj izrađen od materijala koji omogućava lako čišćenje i dezinfekciju, bez fizičkih oštećenja;
- e) obezbijedeni uslovi za konzumaciju zdravstveno ispravne hrane i vode za piće;
- f) odgovarajući uslovi za obavljanje fizioloških potreba, higijensko održavanje osobne higijene, odlaganje garderobe i zbrinjavanje svih vrsta otpada;
- g) stalni izvori napajanja električnom energijom, priključcima na vodovodnu i kanizacionu mrežu;

Vlada Kantona Sarajevo

Ministarstvo kulture i sporta

Na osnovu člana 6. tačka f) i člana 55. stav (3) Zakona o sportu u Bosni i Hercegovini ("Službeni glasnik BiH", br. 27/08, 102/09 i 66/16) i člana 42. Zakona o sportu Kantona Sarajevo ("Službene novine Kantona Sarajevo", broj 45/12 - Prečišćeni tekst), ministar kulture i sporta donosi

PRAVILNIK

O SIGURNOSTI NA UREĐENIM KUPALIŠTIMA

DIO I - OSNOVNE ODREDBE

Član 1.

(Predmet regulisanja)

Pravilnikom o sigurnosti na uređenim kupalištima propisuju se uslovi koji se odnose na sigurnost korisnika i posjetitelja uređenih kupališta na području Kantona Sarajevo, a odnose se na tehničko uređenje, postavljanje oznaka na kupalištu, korištenje i održavanje reda, promatranje, spašavanje i pružanje prve pomoći, osposobljavanje spasilaca te održavanje sportskih natjecanja i priredbi, kao i druga pitanja vezana uz rad i sigurno korištenje uređenih kupališta, a koja nisu uređena drugim propisima.

Član 2.

(Uređena kupališta)

- (1) Pod uređenim kupalištem (u daljem tekstu: kupališta) smatraju se unutarnji i vanjski bazeni, koji imaju vlasnika odnosno upravu, opremu i uređaje te izgrađene prateće objekte, a namijenjena su za kupanje.
- (2) Uređena kupališta trebaju imati odgovarajuću opremu, izgrađene i u funkciji sve prateće objekte kao i službu sigurnosti i zaštite. Objekti u kojima se obavlja kupanje, sportsko i rekreativno plivanje, obuka plivanja, skakanje u vodu, vaterpolo, rehabilitacijske aktivnosti te druge aktivnosti na vodi i u vodi u smislu ovog pravilnika su:
 - a) kupališta koja se sastoje od bazena sa vještački izgrađenim funkcionalnim objektom ili objektima napunjenim vodom i pomoćnim prostorijama gdje su smještene prostorije: garderobe, sanitarni čvorovi i ostali uređaji,
 - b) kupališta kojima upravljaju privredna društva, ustanove, sportske ustanove i druge pravne ili fizičke osobe (u daljem tekstu: Uprava),
 - c) uređena kupališta sa opremom, izgrađenim i funkcionalnim pratećim objektima kao i odgovarajućim stručnim kadrom.
- (3) Pravilnik se ne odnosi na:
 - a) neuređena kupališta koja nisu obuhvaćena članom 2. stav (1) ovog člana (npr. prirodne plaže na rijekama),

- h) obezbijedeno zagrijavanje, prirodno i vještačko provjetravanje zatvorenih prostora/prostorija;
- i) odgovarajući pribor i sredstva za održavanje higijene, namjenska ambalaža za odlaganje čvrstog otpada;
- j) oznake zabrane, upozorenja i obavijesti;
- k) služba za spašavanje i pružanje prve pomoći;
- l) odgovarajući kompleti opreme za pružanje prve pomoći i telefonska linija za komunikaciju sa službama za hitno reagovanje.

DIO - III VRSTE I UREĐENJE KUPALIŠTA**Član 5.**

(Vrste kupališta prema namjeni)

Vodne površine na uređenom kupalištu površine prema namjeni mogu biti:

- a) za djecu koja ne znaju plivati, pri čemu dubina vodene površine može biti najviše 40 cm, oblik ne mora biti pravougaoni, a uz kupalište se osigurava barem jedna ili više vodenih površina za djecu;
- b) za neplivače odnosno za kupanje i rekreaciju djece i odraslih koji ne znaju plivati ili nisu sigurni plivači, pri čemu dubina takve vodene površine ne smije biti veća od 130 cm, a oblik ne mora biti pravougaoni;
- c) za učenje plivanja, pri čemu dubina vodene površine može biti od 60 cm do 130 cm i pravougaonog je oblika, promjena dubine mora biti postupna;
- d) za rekreaciju plivača odnosno za rekreativno plivanje i kupanje djece i odraslih osoba, pri čemu dubina u dijelu do dubine bez ograničenja treba biti 130 cm, a takve vodene površine mogu biti opremljene opremom za rekreaciju (tobogani i sl.);
- e) za takmičarsko plivanje i vaterpolo (trening i natjecanja) koja se mogu koristiti za rekreativno plivanje i kupanje, pri čemu dubina, opremljenost i veličina moraju zadovoljiti uslove propisane odgovarajućim međunarodnim standardima i pravilnicima sportskih saveza;
- f) za skokove u vodu, pri čemu dubina, opremljenost i veličina moraju zadovoljiti uslove propisane međunarodnim standardima, pravilnicima i uputama sportskog saveza;
- g) višenamjenske vodene površine odnosno površine za dvije ili više namjena, koje mogu biti sastavljene od dva ili više dijelova, a svaki dio mora zadovoljiti uslove za specifičnu namjenu vodene površine;
- h) za posebne namjene u sklopu ugostiteljsko-turističkih objekata i zdravstvenih ustanova, koje svojom veličinom, obradom i opremljenošću moraju biti prilagođene specifičnim potrebama, odnosno namjeni.

Član 6.

(Podjela kupališta po veličini vodene površine)

Kupališta se po veličini vodene površine dijele na sljedeći način:

a) BAZENSKA

Vrsta kupališta	Unutarnji bazen	Vanjski bazen
Veličina vodene površine		
Mala	Od 30 m ² do 500 m ²	Od 30 m ² do 1.200 m ²
Srednja	Iznad 500 m ² do 1.000 m ²	Iznad 1.200 m ² do 3.000 m ²
Velika	Iznad 1.000 m ²	Iznad 3.000 m ²

b) PRIRODNA

Vrsta kupališta	Na tekućim vodama
Veličina vodene površine	
Mala	Do 1.500 m ²
Srednja	Iznad 1.500 m ² do 3.000 m ²
Velika	Iznad 3.000 m ²

Član 7.

(Uređena kupališta uz obale rijeka)

- (1) Vodene površine kupališta uz obale rijeka moraju biti odvojene od ostalih vodenih površina s međusobno povezanim plutačama narančaste boje, promjera najmanje 20 cm, a međusobno udaljenim najviše 5,0 m. Između povezanih plutača narančaste boje moraju biti u daljini najvećoj 0,5 m manje plutače bijele boje koje imaju rubnu stranicu najmanje 5 cm.
- (2) Udaljenost ograđene vodene površine od obale može iznositi najviše 100 m.

Član 8.

(Uređena kupališta uz obale jezera i rijeka)

- (1) Na kupalištu uz obalu jezera i rijeka vodene površine namijenjene djeci moraju biti odvojene od ostalih vodenih površina, vidno označene natpisima odnosno oznakama i odvojene od ostalih vodenih površina povezanim plutačama bijele boje s rubnom stranicom najmanje 5 cm, a udaljene najviše 0,5 m.
- (2) Dubina vode iz stava (1) ovog člana je najviše 0,6 m.

Član 9.

(Vodne površine namijenjene neplivačima)

- (1) Vodene površine namijenjene neplivačima moraju biti vidno označene natpisima odnosno oznakama.
- (2) Dubina vode iz stava (1) ovog člana je najviše 1,30 m.
- (3) Na kupalištima uz obalu rijeka mjesto prijelaza iz dijela kupališta za neplivače u dio kupališta za plivače mora biti odvojeno povezanim plutačama bijele boje s rubnom stranicom najmanje 5 cm, a udaljenim najviše 0,5 m.

Član 10.

(Dno kupališta uz obalu rijeka)

- (1) Dno na kupalištima uz obalu rijeka do dubine 1,70 m mora biti bez izbočina.
- (2) Do dubine dna od 5,0 m u vodi ne smije biti predmeta i rastinja koji bi mogli ozlijediti kupaca pri ronjenju ili skakanju u vodu.

Član 11.

(Prilazi u vodu uz obalu rijeka)

- (1) Na kupalištima uz obalu rijeka prilazi u vodu moraju se posebno urediti tako da sadrže stepenice, ljestve ili kosine. Na kupalištima uz obalu rijeka treba osigurati prilaze u vodu osobama s invaliditetom.
- (2) Prilazi u vodu iz stava (1) ovog člana ne smiju biti međusobno udaljeni više od 30 m.

Član 12.

(Vodne površine namijenjene skakanju u vodu)

- (1) Na kupalištima moraju biti određene, uređene i označene vodene površine namijenjene skakanju u vodu.
- (2) Vodena površina ispod i na završetku tobogana mora radi sigurnosti svih korisnika kupališta biti vidno označena.

DIO IV - KVALITETA VODE**Član 13.**

(Nadzor nad kvalitetom vode)

Voda za kupanje na kupalištima mora zadovoljavati uvjete propisane Pravilnikom koji propisuje Ministarstvo zdravstva.

Član 14.

(Obezbjedivanje sanitarno-tehničkih i higijenskih uslova)

Organ upravljanja kupalištem, odnosno javnim površinama obezbjeđuje sanitarno-tehničke uslove i kontinuirano održavanje opšte i osobne higijene propisane Odlukom o higijenskim i sanitarno-tehničkim uslovima na bazenima na području Grada Sarajeva ("Službene novine Grada Sarajeva", broj 9/74).

DIO V - BAZENSKA VODA**Član 15.**

(Sanitarno-tehnički i higijenski uslovi vode)

Radi očuvanja zdravlja kupaca, u svim dijelovima bazena moraju biti obezbijedeni sanitarno-tehnički i higijenski uslovi koji onemogućavaju prenošenje uzročnika zaraznih bolesti i eliminišu druge uzroke koji mogu narušiti zdravlje korisnika bazena.

Član 16.

(Higijenska bezbjednost bazenske vode)

- (1) Bazenska voda mora biti bezbjedna za kupce, bistra, bez mehaničkih primjesa i vidljivih nečistoća, te bez sadržaja mikroorganizama, parazita i hemijskih materija koje same ili u kombinaciji sa drugim materijama predstavljaju opasnost za zdravlje korisnika bazena.
- (2) U objektu bazena ne smije da se osjeća neprijatan miris hlora.
- (3) Bazenska voda i čista voda koja ulazi u bazen mora odgovarati referentnim vrijednostima fizičkih, hemijskih i mikrobioloških parametara.
- (4) Sirova voda koja se zahvata za obradu mora odgovarati vodi za piće, osim u pogledu sadržaja mineralnih soli.

Član 17.

(Održavanje bazena)

- (1) Kod bazena koji radi tokom cijele godine cijeli protočni sistem i bazen potpuno se prazne, čiste, ispiraju i hiperhlorišu, najmanje jednom godišnje.
- (2) Kod bazena koji radi sezonski postupak iz stava (1) ovog člana izvodi se svaki put pred početak sezone rada bazena.
- (3) Uprava je dužna obaviti godišnji pregled kupališta prije početka rada sezonskih kupališta, odnosno najmanje jedanput godišnje za unutarnja kupališta koja rade cijele godine, a koji se sastoji od:
 - a) praznjenja i dezinfekcije bazena te pripadajućih pratećih prostora,
 - b) provjere ispravnosti i popravka tuševa, sanitarnih propusnika i drugih instalacija,
 - c) provjere ispravnosti uređaja, opreme i tehničkih postrojenja,
 - d) provjere ispravnosti i popravaka sanitarnih prostorija, svlačionica i ostalih pratećih prostorija.

Član 18.

(Slučajevi zabrane rada kupališta)

- (1) Kupalište ne smije raditi ako:
 - a) vremenski uticaji onemogućuju sigurno korištenje kupališta;
 - b) neispravnost opreme, uređaja i tehničkih postrojenja onemogućuje siguran rad;
 - c) zbog zagađenja vode ili sumnje da je voda zagađena te postoji opasnost za zdravlje korisnika;
 - d) nije osigurana služba održavanja reda, promatranja, spašavanja i pružanja prve pomoći;
 - e) se obavlja remont ili pregled ispravnosti;
 - f) nisu poštovani ostali razlozi iz člana 17. ovog pravilnika.
- (2) Zabrane iz stava (1) ovog člana traju sve dok postoje okolnosti zbog kojih su nastale.

Član 19.

(Informacije o stanju na bazenu)

Na mjestu za informisanje korisnika usluga bazena ističu se osnovni podaci o bazenu, naziv zdravstvene ustanove koja vrši ispitivanje vode, ime, prezime i broj kontakt telefona odgovorne osobe bazena i kupališni red bazena.

Član 20.

(Kućni red na bazenu)

Kućnim redom bazena uređuju se pitanja upotrebe garderobe, tuševa, nošenja kapa i obuće na bazenskom kupalištu, zabrana upotrebe sapuna i šampona prilikom kupanja u bazenu,

način ponašanja kupaca i druga pitanja značajna za održavanje higijene i bezbjednosti korisnika usluga na bazenu.

Član 21.

(Pravilnik o kućnom redu)

- (1) Korisnici bazena pridržavaju se kućnog reda koji je propisao organ upravljanja bazenom, Pravilnikom o kućnom redu na bazenu.
- (2) Organ upravljanja bazenom obezbjeđuje da trenutni broj korisnika bazena nije veći od maksimalnog broja korisnika bazena za koji je bazen predviđen.

Član 22.

(Odgovorna osoba za praćenje i dosljednu primjenu odredaba Pravilnika)

- (1) Za sprovođenje i praćenje planiranih aktivnosti i dosljednu primjenu odredaba ovog pravilnika koje se odnose na bazene organ upravljanja bazenom imenuje odgovornu osobu.
- (2) Odgovorna osoba iz stava (1) ovog člana ima najmanje srednju stručnu spremu zdravstvenog ili tehničkog smjera.

DIO VI - KORIŠTENJE KUPALIŠTA**Član 23.**

(Mjere osiguranja i poštivanje kupališnog reda)

- (1) Uprava kupališta dužna je osigurati da se sportsko-rekreativne i zabavne aktivnosti na kupalištu obavljaju u skladu s odredbama ovog pravilnika, kupališnog reda i drugih propisa koji su važni za sigurnost korisnika kupališta.
- (2) Uprava kupališta dužna je odrediti odgovornu osobu.
- (3) Uprava kupališta dužna je osigurati red koji će omogućiti sigurno kupanje i korištenje svih pratećih objekata u skladu s odredbama ovog pravilnika i drugih propisa.

Član 24.

(Zastave na kupalištu)

- (1) Prirodna kupališta i vanjska bazenska kupališta moraju imati u vrijeme kupališne sezone istaknutu odgovarajuću zastavu:
 - a) crvena zastava upozorenja - kupalište je zatvoreno,
 - b) crveno-žuta zastava upozorenja - kupalište radi pod nadzorom spasilačke službe.
- (2) Sigurnost na kupalištu je smanjena u slučaju povećanih valova, povećane nečistoće vode, snažnijeg vjetrova, povećane mutnosti vode, kada je vođeni tok jači od 0,3 m/s i u drugim sličnim prilikama.
- (3) Kraći rubovi crvene i crveno-žute zastave moraju biti najmanje 0,75 m dužine. Omjer između dužine i širine mora biti najmanje 2:1. Crveno-žuta zastava je s jednako podijeljenim poljima u gornjem dijelu crvena, a u donjem dijelu žute boje.
- (4) Jarbol za zastavu mora biti postavljen duž obale kupališta na svakih 200 m. Visina jarbola ne smije biti manja od 5 m.

Član 25.

(Vremenski uslovi)

- (1) Prirodna kupališta i bazenska kupališta na otvorenom moraju prilagoditi svoj rad vremenskim uslovima.
- (2) Ako odgovorna osoba ocijeni ili postoje objektivne okolnosti koje bi ugrozile nesmetano kupanje, mora se istaknuti crvena zastava.

Član 26.

(Skokovi u vodu)

- (1) Pristup i korištenje dasaka i zaletišta tornja za skokove u vodu dopušteno je samo osobama koje treniraju ili uče skokove u vodu isključivo pod nadzorom stručne osobe koja je odgovorna za njihovu sigurnost.
- (2) Prostor za skokove u vodu mora biti uočljivo označen i odijeljen plutačama od ostalog dijela kupališta.
- (3) Za vrijeme treninga i učenja skokova u vodu u bazenu i sigurnosnom prostoru ispred skakaonice nije dopušten boravak u vodi i pod vodom osobama koje nisu uključene u proces treninga i učenja skokova u vodu.

- (4) Izvan vremena određenog za trening i učenje skokova u vodu, pristup skakaonicama i daskama za skokove u vodu zabranjen je kupaćima, a zabrana mora biti vidljivo označena natpisima i oznakama.
- (5) Odskočne daske moraju biti podignute do 1 m.
- (6) U vrijeme korištenja skakaonica obavezan je nadzor spasilačke službe.

Član 27.

(Privremeni prekid rada kupališta)

- (1) Razloge privremenog prekida, odnosno zabrane korištenja kupališta uprava mora objaviti na posebnoj ploči na ulazu u kupalište.
- (2) Uprava je dužna o prekidima rada kupališta duljim od tri dana izvijestiti javnost putem dnevnih novina ili drugih sredstava javnog informisanja.

DIO VII - ODRŽAVANJE REDA, PROMATRANJE, SPAŠAVANJE I PRUŽANJE PRVE POMOĆI I OSPOSOBLJAVANJE SPASIOCA

Član 28.

(Održavanje reda)

Uprava je dužna na kupalištu uspostaviti red koji će omogućiti nesmetan rad i sigurno kupanje i korištenje kupališta kao i boravak svih korisnika.

Član 29.

(Kupališni red)

- (1) Sva pravila postupanja i ponašanja na kupalištu moraju biti utvrđena kupališnim redom.
- (2) Glavne tačke kupališnog reda koje moraju biti vidljive svakom kupcu su:
 - a) naziv kupališta;
 - b) vrsta kupališta (otvoreni bazen, natkriveni bazen, kupalište uz obalu rijeke);
 - c) namjena kupališta (vodene površine za djecu, za neplivače ili za plivače);
 - d) shematski tlocrt kupališta s legendom;
 - e) posebna upozorenja (o granicama upotrebe pravila korištenja popratnih sadržaja i objekata i ponašanja s obzirom na zdravstveno stanje kupaca i vrstu vode);
 - f) značenje zastava;
 - g) radno vrijeme, cijene ulaznica, temperatura vode i zraka moraju biti objavljeni na posebnoj ploči.

Član 30.

(Promatranje kupališta)

- (1) U vrijeme rada kupališta Uprava je dužna osigurati neprekidni nadzor nad svim vodenim površinama i u tu svrhu odrediti mjesta promatranja.
- (2) Ako iz jednog mjesta nije moguće promatrati vodenu površinu u cjelini, vodena površina mora biti podijeljena na više područja s kojih se motri.

Član 31.

(Mjesto promatranja)

- (1) Pri određivanju mjesta promatranja moraju se poštovati sljedeći uslovi:
 - a) mjesto promatranja mora biti određeno tako da je s njega vidljivo cijelo promatrano područje, a posebno opasna područja. Mjesto promatranja mora biti postavljeno tako da promatrač nije okrenut prema izvoru svjetlosti. Na otvorenim kupalištima i kupalištima uz obalu mora, jezera i rijeka mjesto promatranja mora biti zaštićeno od sunca,
 - b) mjesto promatranja mora biti opremljeno zviždajkom ili megafonom ili drugom zvučnom opremom i drugim propisanim sredstvima za spašavanje iz vode. Kupališta moraju biti opremljena sredstvima koja omogućuju međusobno obavješćivanje odnosno sporazumijevanje spasilaca iz vode:
 - 1) s mjesta promatranja u visini čovjeka moguće je motriti najviše do 25 m udaljenosti;

- 2) s mjesta promatranja na visini od 3,0 m. moguće je motriti najviše do 50 m udaljenosti;
- 3) s mjesta promatranja na visini od 5,0 m. moguće je motriti najviše do 100 m udaljenosti;
- 4) granica promatranog područja može biti udaljena od mjesta motrenja najviše 100 m;
- 5) granice opasnih područja (mjesta pod skakaonicama, toboganima i prijelazi iz područja vodene površine namijenjenog neplivačima u područje vodene površine namijenjeno plivačima) najviše 50 m,
- c) na manjim i srednjim kupalištima, iz člana 6. (tabela a) i b)) ovog pravilnika, moraju biti najmanje dva spasioca iz vode na svakom mjestu promatranja,
- d) na velikim kupalištima, iz člana 6. (tabela a) i b)) ovog pravilnika, moraju biti dva spasioca iz vode na svakom mjestu za promatranje, tako da je jedno mjesto promatranja najviše do 200 m udaljeno od drugoga.

- (2) Kada se na kupalištu nalaze opasna područja, područja promatranih vodenih površina u svim navedenim primjerima iz stava (1) ovog člana smanjuju se na polovicu.

Član 32.

(Spašavanje iz vode i pružanje prve pomoći)

- (1) Uprava kupališta dužna je za vrijeme rada kupališta osigurati spašavanje iz vode u slučaju opasnosti, ako postoji mogućnost utapanja, ako dođe do utapanja, ako kupac za vrijeme plivanja izgubi svijest ili je zbog drugih uzroka ugroženo njegovo zdravlje.
- (2) Uprava kupališta dužna je za vrijeme rada kupališta osigurati prvu pomoć pri utapanju ili drugim ozljedama na kupalištu, koju pruža spasilac iz vode.
- (3) Ako pružanje prve pomoći nije dovoljno, uprava kupališta, odnosno odgovorna osoba dužna je obavijestiti hitnu medicinsku pomoć.
- (4) U danima kada ima više od 1.000 kupaca, uprava je dužna osigurati stalnu prisutnost liječnika na kupalištu.

Član 33.

(Osiguranje veza sa zdravstvenom ustanovom)

- (1) Uprava, odnosno odgovorna osoba je dužna osigurati vezu s odgovarajućom zdravstvenom ustanovom radi pružanja prve pomoći i zbrinjavanja unesrećenih.
- (2) Za vrijeme rada kupališta mora biti osiguran nesmetan pristup vozila za hitnu medicinsku pomoć, a u unutarnjim kupalištima pristup mora biti osiguran do bazena najkraćim putem.
- (3) Dolaskom hitne medicinske pomoći brigu o unesrećenom preuzima stručno medicinsko osoblje.

Član 34.

(Radna odjeća radnika na kupalištu)

Uprava kupališta dužna je osigurati obaveznju radnu odjeću radnicima na kupalištu, s natpisnom pločicom na kojoj je vidljiva funkcija te ime i prezime uposlenika.

Član 35.

(Sigurnost u toku realizacije programskih aktivnosti na bazenu)

- (1) Za sigurnost polaznika škole plivanja, obuke plivanja i treninga plivanja odgovara trener, odnosno profesor plivanja.
- (2) U slučaju fizioterapije (hidroterapije) za sigurnost odgovara voditelj programa.
- (3) U slučaju animacija na kupalištu za sigurnost sudionika odgovara stručno osposobljeni sportski animator.

Član 36.

(Dnevnik spasilačke službe)

- (1) Prije izvođenja aktivnosti iz člana 35. ovog pravilnika voditelji tih aktivnosti se moraju upisati u dnevnik spasilačke službe s imenom i prezimenom te stručnom osposobljenošću, a mora biti i ovjeren potpisom.

- (2) Ako se aktivnosti iz člana 35. ovog pravilnika održavaju bez prisutnosti spasioca, provoditeljima tih aktivnosti mora biti dostupna oprema za spašavanja i pružanje prve pomoći.

Član 37.

(Odgovorna osoba)

- (1) Osoba koja vodi na kupalište invalidnu osobu ili organizovanu skupinu djece, dužna je voditi brigu o njihovoj sigurnosti te pri dolasku na kupalište upozoriti i prijaviti spasiocu njihovu prisutnost.
- (2) Spasilac iz vode može skupini iz stava (1) ovog člana zabraniti korištenje kupališta ako procijeni da za njihovu sigurnost nisu poduzete sve mjere i da postoji opasnost za njihovu sigurnost.

Član 38.

(Spasioci iz vode)

- (1) Uprava kupališta dužna je osigurati da poslove promatranja, spašavanja i pružanja prve pomoći obavljaju osobe koje su stručno osposobljene za spasioca iz vode.
- (2) Uprava kupališta dužna je osigurati vođenje evidencije o nesrećama i ozljedama kupaca u vodi i pri upotrebi kupališnih uređaja, zatim evidenciju o unesrećenom, vremenu i okolnostima u kojima se dogodila nesreća te o pruženoj pomoći.
- (3) Evidenciju iz stava (2) ovog člana vodi spasilačka služba.
- (4) Jednom godišnje, do kraja januara, spasilačka služba je obavezna prema Upravi dostaviti izvještaj o radu u kojem su zabilježene sve intervencije i zapažanja.

Član 39.

(Osposobljavanje spasilaca)

- (1) Ministarstvo nadležno za poslove sporta propisat će programe osposobljavanja spasilaca na uređenim kupalištima, način izvođenja, provjeru znanja i sposobnosti za obavljanje poslova spasioca te sadržaj uvjerenja o osposobljenosti.
- (2) Programe osposobljavanja spasilaca na uređenim kupalištima mogu provoditi ustanove za edukaciju stručnih kadrova u sportu i druge pravne osobe koje za to ovlasti ministar nadležan za poslove sporta.

Član 40.

(Dužnosti spasioca)

- (1) Spasilac iz vode dužan je:
- upozoravati kupce na poštivanje propisa o sigurnosti na uređenim kupalištima te kupališnog reda i sprječavati kršenje tih propisa i pravila;
 - sprječavati opasne situacije u kojima kupac ugrožava vlastitu sigurnost ili sigurnost drugih;
 - upozoravati na poštovanje propisa o sigurnosti na uređenim kupalištima te kupališnog reda osobe koje dovode na kupalište organiziranu skupinu djece, ako skupina ili njen član ne poštuju propise kupališnog reda ili ako nisu dovoljno ispunjeni uslovi za sigurnost skupine;
 - upozoravati na poštovanje propisa o sigurnosti na uređenim kupalištima i kupališnog reda osobu koja se brine o djetetu do sedme godine ako je ugrožena sigurnost djeteta;
 - neprekidno nadzirati promatrano područje te u slučaju neposredne opasnosti odmah započeti sa spašavanjem, odnosno odmah obavijestiti o opasnosti osobu koja obavlja poslove spašavanja;
 - upozoriti zviždaljkom ili preko zvučnika kupce koji krše propise ili kupališni red;
 - poduzeti spašavanje u svakom slučaju kada je sigurnost kupaca u vodi ugrožena, a da pri tome ne dovodi u opasnost vlastiti život;
 - pružiti prvu pomoć utopljeniku i ozlijeđenim osobama na kupalištu te pozvati zdravstvenu ustanovu odnosno spasilačku ekipu ako je utopljeniku ili ozlijeđenome potrebna medicinska pomoć.

- (2) Spasilac iz vode može dopustiti plivanje pod vodom (ronjenje) i skakanje u vodu organiziranim skupinama kao i u nekim drugim posebnim prilikama, ako time nije ugrožena sigurnost drugih kupaca.

- (3) Spasilac iz vode dužan je najmanje jedanput u dvije godine podvrgnuti se provjeri zdravstvenih i psihofizičkih sposobnosti za obavljanje poslova iz stava (1) ovog člana.

Član 41.

(Udaljavanje kupaca sa kupališta)

- (1) Spasilac iz vode će udaljiti s područja namijenjenog kupanju djete mlade od sedam godina, ako nije u pratnji punoljetne osobe.
- (2) Spasilac iz vode će zabraniti upotrebu objekata i uređaja za kupanje kupcu koji očito ugrožava svoju sigurnost ili sigurnost drugih.
- (3) Spasilac iz vode će zahtijevati da kupalište napusti osoba koja se i uz upozorenja iz člana 45. ovog pravilnika ne pridržava kupališnog reda.
- (4) Spasilac iz vode dužan je pismeno upozoriti upravu da se zbog higijenskih i drugih valjanih razloga ili zbog sigurnosti, zabrani upotreba vodenih površina ili određenih objekata i uređaja ili ograniči broj kupaca, ako to zahtijeva kapacitet kupališta.

Član 42.

(Odjeća spasioca)

- (1) Spasilac iz vode za vrijeme obavljanja službe mora nositi kratke hlače crvene boje i žutu majicu kratkih rukava na kojoj je na prednjem lijevom dijelu logo spasilačke službe, a na poledini iz daljine uočljiv naziv spasilac štampan crvenom bojom.
- (2) Logo se sastoji od sljedećih elemenata: naziv SPASILAČKA SLUŽBA otiskan plavom bojom, u gornjem dijelu SPASILAČKA, a u donjem SLUŽBA koji je postavljen kružno oko znaka crvenog križa u pojasu za spašavanje.

Član 43.

(Prostor namijenjen za spasioca)

- (1) Prostor za glavnog spasioca mora biti smješten tako da glavni spasilac s njega ima pregled na cijeli kupališni prostor.
- (2) Prostor iz stava (1) ovog člana mora biti opremljen razglasnim uređajima i ostalim uređajima za funkcioniranje objekta, te radnim stolom, najmanje s dvije stolice i omarom.
- (3) Za objekte do 100 m vodene površine prostor iz stava (1) ovog člana mora iznositi najmanje osam metara površine, a za veće vodene površine najmanje 10 m površine.

Član 44.

(Voditelj spasioca)

Ako je na kupalištu više spasilaca, uprava imenuje spasioca - voditelja. Voditelj spasioca koordinira rad spasilačke službe te ispunjava i potpisuje dnevnik spasilačke službe.

Član 45.

(Zabrane za kupce)

Kupac ne smije:

- konzumirati hranu i piće na užem prostoru uređenog kupališta;
- kupati se u alkoholiziranom stanju, pod utjecajem droge i sl.;
- kupati se u neprimjerenom kupaćem kostimu;
- kupati se ako je kliconoša, boluje od akutnih zaraznih bolesti i/ili zaraznih kožnih bolesti, gljivičnih oboljenja, ima otvorenu ranu, poveze i slično;
- obavljati nuždu prilikom kupanja;
- ometati druge kupce izazivanjem svade i tuče;
- ometati službeni razglas korištenjem preglasnih vlastitih uređaja;
- namjerno ili zbog nemara prljati i zagađivati vodu i druge površine na kupalištu;

- i) koristiti kupališne uređaje, koje zbog svojeg plivačkog znanja ne može koristiti, a da ne ugrožava zdravlje ili život;
- j) koristiti opremu i objekte na kupalištu suprotno predviđenoj namjeni ili tako da ugrožava sebe ili druge kupaće;
- k) udaljiti se od obale više od 30 m na tekućim vodama.

Član 46.

(Obaveze kupaća)

Zbog zdravlja kupaća na kupalištu drugi kupaći trebaju poštovati sljedeća pravila:

- a) prije ulaska u bazenski prostor obavezni su dezinficirati noge i tuširati se toplom vodom i sapunom,
- b) djeca do tri godine starosti moraju u bazenu obavezno upotrebljavati kupaće gaćice ili pelene za kupanje.

Član 47.

(Oprema za spašavanje)

- (1) Uprava je dužna osigurati da kupalište bude opremljeno sigurnosnom opremom za spašavanje iz vode i pružanje prve pomoći u skladu sa odredbama ovog pravilnika.
- (2) Oprema iz stava (1) ovog člana mora biti na kupalištu tako raspoređena da je najbrže dostupna te pohranjena na vidljivo označenom mjestu.
- (3) Svi sastavni dijelovi opreme za spašavanje iz vode i za pružanje prve pomoći moraju biti uvijek u ispravnom stanju i u količini određenoj važećim pravilnikom i dozvolom za rad kupališta.

Član 48.

(Spasilačka oprema)

- (1) Unutarnji i vanjski bazeni moraju imati najmanje sljedeću spasilačku opremu:
 - a) spasilačku stolicu (mjesto promatranja),
 - b) oznake i zastave za obavješćavanje,
 - c) plutaču ili kolut za spašavanje,
 - d) užice za bacanje
 - e) torbu sa sanitetskim materijalom i sredstvima za pružanje prve pomoći.
- (2) Kupališta uz rijeku moraju imati najmanje sljedeću spasilačku opremu:
 - a) spasilački toranj (mjesto promatranja),
 - b) oznake i zastave za obavješćavanje,
 - c) plutače za spašavanje,
 - d) užice za bacanje,
 - e) radio stanicu, dvogled, megafon,
 - f) opremu za ronjenje na dah (masku, disalicu i peraje) i
 - g) torbu sa sanitetskim materijalom i sredstvima za pružanje prve pomoći.
- (3) Pri određivanju vrste opreme iz st. (1) i (2) ovog člana, utvrđuje se da:
 - a) bazen za neplivače na svakoj dužoj stranici sadrži po jednu spasilačku motku dugu polovicu širine bazena ili spasilački pojas s najmanje 20 m užadi;
 - b) bazen za plivače na svakoj dužoj stranici sadrži po jednu spasilačku motku dužine 5 m i na svakih 25 m po jedan pojas za spašavanje odnosno loptu s najmanje 20 m užadi;
 - c) kupalište uz rijeku sadrži, na svakih 50 m, po jedan pojas za spašavanje ili loptu s najmanje 30 m užadi te po najmanje jedan komad druge spasilačke opreme propisane stavom (2) ovog člana.

Član 49.

(Oprema spasioca)

Obavezna osobna oprema spasioca sastoji se od:

- a) radne odjeće (član. 34.)
- b) pištaljke;
- c) pločica s imenom i prezimenom spasioca;
- d) džepne maske za umjetno disanje;
- e) zaštitnih gumenih rukavica;
- f) pojasne torbice.

Član 50.

(Oprema i sredstva za pružanje prve pomoći)

Na kupalištu se mora nalaziti oprema i sredstva za pružanje prve pomoći u skladu s propisima o opremi i sredstvima za pružanje prve pomoći.

DIO VIII - OZNAKE NA KUPALIŠTU

Član 51.

(Oznake opasnosti, upozorenja i obaveze na kupalištu)

- (1) Uprava kupališta dužna je istaknuti oznake opasnosti, upozorenja, zabrane i obaveze koje se moraju poštovati. Oznake su sastavni dio ovog pravilnika i objavljuju se zajedno s njim.
- (2) Oznake iz stava (1) ovog člana imaju oblik kvadrata i stranicu od 30 cm sa simbolom ili sa simbolom i natpisom.
- (3) Osnovna boja oznake iz stava (1) ovog člana je svijetloplava.
- (4) Na oznakama opasnosti su simboli i natpisi bijele boje, na oznakama zabrane su simboli bijele boje, a dijagonalne linije crvene boje, na oznakama obaveza su simboli bijele boje u svijetloplavom krugu na crvenoj podlozi.

Član 52.

(Oznake opasnosti)

Oznake opasnosti su:

- a) oznaka "za plivače" koja označava vodene površine namijenjene plivačima, a postavlja se na sredini ruba obje duže stranice bazena namijenjenog za plivače, kraj svakog ulaza u bazen za plivače i jedan metar ispred prijelaza u vodu namijenjenu plivačima, u bazenu za plivače i neplivače. Na kupalištima koja se nalaze na stajaćim i tekućim vodama oznaka se postavlja na obali vodene površine namijenjene plivačima i jedan metar ispred vodene površine namijenjene plivačima (oznake br. 17. u prilogu),
- b) oznaka "za neplivače" koja označava vodene površine namijenjene neplivačima, a postavlja se na sredini ruba obje duže stranice bazena namijenjenog neplivačima (oznaka br. 34. u prilogu),
- c) oznaka "za djecu" koja označava vodene površine namijenjene djeci, a postavlja se na sredini ruba obje duže stranice bazena namijenjenog djeci (oznaka br. 33. u prilogu),
- d) oznaka "dubina vode" koja označava dubinu vode u metrima, a postavlja se na sredini ruba jedne od dvije duže stranice bazena, odnosno na dijelu bazena gdje je dubina vode najmanja i na dijelu gdje je dubina najveća te na mjestima namijenjenim za skakanje u vodu (oznaka br. 35. u prilogu),
- e) oznaka "promjena dubine vode" koja označava prijelaz iz jedne dubine u drugu dubinu, ako taj prijelaz nije postupan, a postavlja se jedan metar ispred prijelaza u opasnu dubinu (oznaka br. 36. u prilogu).

Član 53.

(Oznake zabrane)

Oznake zabrane su:

- a) oznaka "zabrana hodanja u obući" označava mjesta gdje je zabranjeno hodaње u obući, a postavlja se ispred takvih mjesta (oznaka br. 21. u prilogu),
- b) oznaka "zabrana skakanja u vodu" označava mjesta gdje je zabranjeno skakanje u vodu, a postavlja se na mjestima gdje skakanje u vodu nije dopušteno odnosno na ulazu u kupalište, ako zabrana vrijedi za sve vodene površine kupališta (oznaka br. 4. i 22. u prilogu),
- c) oznaka "zabrana plivanja pod vodom" označava vodene površine gdje plivanje pod vodom nije dopušteno, a postavlja se ispred vodenih površina gdje plivanje pod vodom nije dopušteno, odnosno na ulazu u kupalište, ako zabrana vrijedi za sve vodene površine kupališta (oznaka br. 37. u prilogu),

- d) oznaka "zabranjen ulaz životinjama", označava mjesta na koja je zabranjeno voditi životinje, kao i drugi znaci zabrane iz Aneksa 1., postavljaju se pred ulazom u prostorije i druga mjesta na javnim kupalištima na koja se te zabrane odnose (oznaka br. 38. u prilogu),
- e) oznaka "zabrana igre loptom" označava mjesta gdje je zabranjena igra loptom, a postavlja se ispred toga mjesta (oznaka br. 24. u prilogu).

Član 54.

(Oznake obaveze)

Oznake obaveze su:

- a) oznaka "obavezna dezinfekcija nogu" koja označava obavezu dezinficiranja nogu, a postavlja se ispred prostora namijenjenog dezinfekciji nogu na ulazu u područje bazena, gdje je pristup dopušten samo s dezinficiranim nogama (oznaka br. 14. u prilogu),
- b) oznaka "obaveza tuširanja" koja označava obavezu tuširanja, a postavlja se ispred prostora s tuševima na ulazu u područje bazena u koji je pristup dopušten samo ako se kupac istuširao (oznaka br. 13. u prilogu),
- c) oznaka "obavezan smjer" koja označava obavezan smjer, a postavlja se na način da je vidljivo kojim smjerom se kupac smije kretati (oznaka br. 39. u prilogu).

Član 55.

(Mjesto pružanja prve pomoći)

Mjesto koje je na kupalištu određeno za pružanje prve pomoći, za promatranje vodenih površina namijenjenih za plivanje, mora biti označeno oznakom "spasilac iz vode", promjera najmanje 30 cm (oznaka br. 1. u prilogu).

Član 56.

(Osnovna pravila grafičkog oblikovanja oznaka)

- (1) Osnovna pravila grafičkog oblikovanja određena su u Aneksu 1. ovoga pravilnika. Dopuštena je upotreba i drugih znakova koji povećavaju stepen sigurnosti na kupalištu pri čemu treba upotrebljavati oblikovna rješenja propisana u prilogu ovog pravilnika.
- (2) Kada znak uključuje i riječi, to mora biti na bosanskom jeziku, a na području gdje žive nacionalne manjine i na jeziku nacionalne manjine. Uprava može na znakovima upotrijebiti najviše četiri jezika.

DIO IX - ORGANIZACIJA SPORTSKIH TAKMIČENJA

Član 57.

(Dozvola uprave kupališta)

- (1) Sportska takmičenja i priredbe na kupalištu mogu se organizovati samo uz dozvolu Uprave kupališta.
- (2) Uprava kupališta i organizator sportskog takmičenja odnosno priredbe na kupalištu dužni su osigurati da za vrijeme takmičenja odnosno priredbe na dijelu kupališta na kojem se ona organizira imaju pristup samo takmičari i službene osobe organizatora takmičenja odnosno priredbe.
- (3) Pristupi za gledaoce i gledališta moraju biti određeni, vidljivo označeni te ograđeni.

Član 58.

(Prava, obaveze i odgovornosti Uprave i organizatora)

- (1) Za provođenje ovog pravilnika odgovorni su Uprava bazena i organizator sportskog takmičenja.
- (2) Prava, obaveze i odgovornosti koje proizilaze iz primjene ovog pravilnika Uprava bazena i organizator sportskog takmičenja dužni su urediti međusobnim ugovorom.
- (3) Uprava kupališta i organizator sportskog takmičenja odnosno priredbe dužni su nakon završetka takmičenja odnosno priredbe ukloniti s kupališta uređaje i oznake koji su bili postavljeni radi takmičenja odnosno priredbe, prije nego što se kupalište ponovno otvori za javnost.

DIO X - PRIJELAZNE I ZAVRŠNE ODREDBE

Član 59.

(Rok za usklađivanje)

Postojeća kupališta dužna su se uskladiti s odredbama ovog pravilnika u roku od šest mjeseci od dana njegovog stupanja na snagu.

Član 60.

(Anex 1.)

Sastavni dio ovog pravilnika je Anex 1., koji je sačinjen od knjige standarda sa znakovima.

Nadzor nad provođenjem odredaba ovog pravilnika vrše nadležni organi.

Član 61.

(Prestanak primjene)

Stupanjem na snagu ovog pravilnika na području Kantona Sarajevo prestaje sa primjenom Odluka o higijenskim i sanitarnim tehničkim uslovima na bazenima na području Grada Sarajeva ("Službene novine Grada Sarajeva", broj 9/74), izuzev odredbi koje se odnose na sanitarnu, higijensku i zdravstvenu ispravnost kupališne vode.

Član 62.

(Stupanje Pravilnika na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 12-02-21173/17
13. juna 2017. godine
Sarajevo

Ministar
Mirvad Kurić, s. r.

ANEX 1.

IZVOD IZ KNJIGE STANDARDA

Znakovi zabrane, obavještenja i upozorenja



1.

Oznaka SPASILAC
Aplikacija PVC folija multifix bijela
Podloga PVC folija multifix crvena
Montaža na zid
Dimenzije: 30x30 cm



2.

Oznaka PAZI KLIZAVO
Aplikacija PVC folija multifix CRNA
Podloga PVC folija multifix žuta
Montaža na zid
Dimenzije: 30x30 cm



3.

Oznaka INFORMACIJE
Aplikacija PVC folija multifix bijela
Podloga PVC folija multifix plava
Montaža na zid
Dimenzije: 30x30 cm



4.

Oznaka ZABRANJENO SKAKANJE..
Aplikacija PVC folija multifix crvena
Podloga PVC folija multifix žuta
Montaža na zid
Dimenzije: 30x30 cm



5.

Oznaka CAFFE
Aplikacija PVC folija multifix srebro
Podloga PVC folija multifix plava
Montaža na zid
Dimenzije: 30x30 cm







6.



Oznaka TOALET
Aplikacija PVC folija multifix SREBRO
Podloga PVC folija multifix plava
Montaža na zid
Dimenzije: 30x30 cm

Vizuelne komunikacije u garderobnom dijelu bazena
Aplikacija PVC folija bijela
Podloga PVC folija zelena
Montaža na zid/ keramičke pločice
Dimenzije : 40x20 cm



OSNOVNE NORME PONAŠANJA NA BAZENU

17.  VELIKI BAZEN MOGU KORISTITI SAMO PLIVAČI	18.  KORIŠTENJE BAZENA DOZVOLJENO JE OSOBAMA U ADEKVATNIMA KUPAČIM KOSTIMIMA	19.  PRIJE KORIŠTENJA BAZENA KORISNICI SE MORAJU ISTUŠIRATI	20.  KUPAČI SA OTVORENIM I INFICIRANIM RANAMA NE SMIJU ULAZITI U BAZEN
21.  NA PROSTORU BAZENA NIJE DOZVOLJENO ULAŽENJE U CIPELIMA, UNOŠENJE HRANE, PIĆA, KAO I STAKLENIH LOMLJIVIH PREDMETA	22.  ZABRANJENO JE SKAKANJE I GURANJE U VODU	23.  ČLANOVI SPORTSKIH KLUBOVA NE MOGU BORAVITI U BAZENU BEZ OVLAŠTENOG TRENERA, KOJI JE ODGOVORAN ZA PROVOĐENJE AKTIVNOSTI	24.  ZA KORIŠTENJE DODATNE BAZENSKE OPREME, IGRANJE SA LOPTAMA, KORIŠTENJE KOZMETIČKIH PREPARATA, POTREBNA JE DOZVOLA NADLEŽNE OSOBE
25.  ZABRANJENA JE GALAMA, UPOTREBA MUZIČKIH INSTRUMENATA I BACANJE OTPADAKA VAN PREDVIĐENIH KANTI ZA SMEĆE	26.  ZABRANJENO JE PUŠENJE U BILU KOJOJ PROSTORIJI BAZENA	27.  ZA NOVAC I VRIJEDNOSTI, OSOBLJE BAZENA NE ODGOVARA	28.  KORISNICI BAZENA MORAJU KABINE I GARDEROBU KORISTITI ODVOJENO PO SPOLU
29.  OSOBE KOJE SE NE PRIDRŽAVAJU OVIH NORMI PONAŠANJA, BIĆE ODSTRANJENE SA BAZENA BEZ NAKNADE	30.  ZA SVA OŠTEĆENJA POČINITELJ ĆE SNOSITI MATERIJALNU I KRIVIČNU ODGOVORNOST	31.  SVOJE PRIMJEDBE, ŽALBE, SUGESTIJE I POHVALE MOLIMO VAS NAPIŠITE U KNJIGU KOJA SE NALAZI NA RECEPCIJI BAZENA	32.  ODLUKE DEŽURNOG OSOBLJA MORAJU SE POŠTOVATI

34.		34.	
35.		36.	
37.		38.	
39.			